

Ny Valosoa sy hadihady

Raharaha-pirenena

Hafana ny sehatra politika amin'ity herinandro ity

Hafana tokoa ity herinandro vaovao ity eo amin'ny sehatra politika politika, satria hiafanandrina ny mpanomana ny fianianan'i Andry Nirina Rajoelina, sy ny mpanohitra rehetra tsy manaiky ny famoahan'ny Fitsarana Avo momba ny Lalàmpanorenana (HCC), fa ity kandidà laharana faha-3 ity, izay vazaha taratasy nanary ny maha-Malagasy azy, no lany ho filoham-pirenena hitantana indray an'i Madagasikara mandritra ny dimy taona manaraka. Azo lazaina fa tsy bontolo ny tsy fankatovana iny voka-pifidianana iny, satria ankoatry ny tsy fahatomombana maro nandritra ny fanomanana ny fifidianana sy ny fanitsakitsahana ny Lalàmpanorenana, sy ireo Lalàna manan-kery samihafa dia tsy eken'ny ankamaroan'ny Malagasy ny naha kandidà vazaha frantsay an'i Andry Nirina Rajoelina, sy ny namoahan'ny Hcc azy ho filoha lany. Ankoatrzany dia latsaka kelin'ny valopolo isan-jaton'ny mpifidy no tsy nandatsabato ho an'i Andry Nirina Rajoelina, izay miteraka tsy fahamarinan-toerany eo amin'ny sehatra politika. Manaporofa izany ny fihetsehan'ny olompi-renena maro, ny fiarahanonim-pirenena sy ny raiamandreny ara-drazana ary ny politisiana maro nanambara fa hanao hetsika fanoherana ny fianianana ezahina ho tanterahina ny sabotsy 16 desambra 2023 ho avy izao. Manoloana izany dia mampihorohoro ny mpitondra, indrindra ny herim-pomoretana izay tsy manaiky ary handray fepetra henritra ho an'ireo hampangainy, fa hanakorontana izany lanonana izany, ka namoahany lalàna fa tsy azo hatao ny manao hetsika politika amin'ity herinandro ity. Tsy takona hafenina avy amin'ny alàlan'ny dokambatra hatao momba io lanonana io, fa malemy izao fitondrana izao ary matahotra ihany koa fa tsy hisy vahoaka hanatrika izany, ka sintonina amin'ny fanambazana loka amin'ny alàlan'ny « tombola » ireo olona sahirana, ka sao mba hitongilanan'ny vintana ka ha-

hazo môtô, sns,... ka ny ratsy vintana kosa mba ho afaka hijery fampisehoana bôjo. Fihantsiana ary ve no andraisan'ny filoham-panjakana mpisolo toerana ny antso nataon'ny mpitarika ny raiamandreny aradrazana isaky ny Faritany hanao fikaonandoham-pirenena ny 13 sy 14 desambra 2023 izao entina manohitra ny maha filohan'ny Repoblika an'i Andry Nirina Rajoelina, satria frantsay izy ka tsy azo ekena satria hiverina amin'ny fanjanahantany indray izany ity Firenena ity, hoy izy ireo. Nanambara fa hanohy ny tolona manomboka amin'ity herinandro ity ihany koa ny Vondron'ny kandidà 11, ka ho « tolom-ba-hoaka » izany satria ny olompi-renena tia Tanindrazana valopolo isan-jato mihitsy no tsy manaiky ny naha kandidà an'i Andry Nirina Rajoelina ary mazava ho azy fa amboletra izao hanaovany fianianana amin'ny sabotsy 16 desambra 2023 izao, ka tsy maintsy hampisehoana amin'izao tontolo izao fa manohitra izany ny Malagasy maro an'isa. Tsy azo ekena ihany koa ny fomba fitondran'i Andry Nirina Rajoelina satria zariny iaina amin'ny kisendrasendra ny gasy kanefa izy midedaka fa « tsy maintsy mandroso, hono, i Madagasikara ». Tsy mitsahatra ny mitodika aty Madagasikara mihitsy izao tontolo izao, satria miseho eto avokoa izao tranga rehetra « tsy azo inoana kanefa marina ny fisiany » izao (incroyable mais vrai). Azo inoana fa tsy hisy olompi-renena, any amin'ny firenena manerantany, hanaiky olona mizaka zom-pirenena vahiny ho filohan'ny fireneny izany. Araka izany ny gasy, tsy ao anatin'ny fitondrana, manaiky an'i Andry Nirina Rajoelina ho filohan'ny fireneny dia tsarovy fa tsy ho raofiny hiaraka aminy hody any Lafrantsa rehefa ho tonga tokoaka ny tokoaka, na dia manana ilay karatra miloko volombo-sary aza.

Andry Tsiavalona

TOLO-DALÀN'NY ZON'NY MPAMORONA

Lany, hevity ny be sy maro io hoy i Rossy nanolotra azy

Lany teny anivon'ny Antenimerampirenena omaly, ny tolo-dalàna momba ny zon'ny mpamorona natolony ny depioite Rahasimanana Paul Bert, na depioite Rossy voafidy tao amin'ny Boriboritany faha-4 eto Antananarivo. Nambarany fa hevity ny be sy ny maro hatramin'izay no voarakitra ao amin'io tolo-dalàna natolony io: hevity ny artiste, hevity ny Antenimerampirenena, hevity ny Antenimerandoholona, ... Natao ho fahefana ara-pitantanana tsy miankina hoy izy no hitantana ny zon'ny mpamorona, satria isaky ny miova ny ministra dia tadiavin'izy ireny hovaina hatrany ny zavamisy momba io tontolon'ny zon'ny mpamorona io. Tsy mikarakara ny zavatra tokony hataony izy



Ny depioite Rossy, niaro ny tolo-dalàna natolony momba ny zon'ny mpamorona.

amin'izany hoy ihany ny depioite Rossy. Nambaranay fa niara-niasa tamin'ny fitondrana nifandimby izy sy ny mpanakanto, tamin'ny namolavolana izao tolo-dalàna

momba ny zon'ny mpamorona izao. Efa lany tetsy Anosikely koa izao tolo-dalàna izao, dia izao niverina nolaniana fanindroany tetsy Tsimbazaza izao. Heverina fa hampi-

ravina ny disadisa eo amin'ny artiste sy ny mpananteraka amin'izay ny fahalanian'izao tolo-dalàna izao.

Isambilo


PRIERE AU SACRE CŒUR

Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Remerciements au Sacré Cœur pour faveurs obtenues.

Holinirina R.



PRIERE AU SACRE CŒUR

Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Remerciements au Sacré Cœur pour faveurs obtenues.

Iaviantsoa A.

Mpanao gazety Gasikara Fenosoa

Naharitra ora 7 sy sasany teo ny teny Fiadanana

Mbola nalaina am-bavany teny Fiadanana indray omaly, ny mpanao gazety Gasikara Fenosoa, naharitra ora 7 sy sasany teo izy no tao amin'ny mpanao famotorana teny amin'ny zandary teny Fiadanana. Tamin'ny 4 ora tolakandro vao nivoaka tao amin'ny sampana misahana ny ady heloka bevava tao Fiadanana izy, re-hefa nasaina niverina teny an-toerana omaly ary efato amin'ny sampana misahana ny heloka bevava ity nanomboka tamin'ny 8 ora sy 45 minitra maraina. « Dossier à transmettre », na halefa eny amin'ny fampa-noavana ny raharaha momba azy, raha ny tatitrat azo avy amir'ny mpisolo vava Me Eric Rafidison. Nahazony ny mpanao gazety Fenosoa arak'izany. Tao anatin'reeo niaraka tamin'i Gascar Fenosoa omaly, ny mpisolovava azy Me Eric Rafidison, sy ny filohan'ny holafitry ny mpanao gazety eto Madagasikara Monica Rasoloarison.

Ny Valosoa



Ny mpanao gazety Gasikara Fenosoa teny Fiadanana (ankavia).

TONONKALO

Mba jirom-bazaha fa tsy jiron'akoho e !

Jiron'akoho indray no hamalifaliana
Ireo sarangan'olona izay novidiana ?
Fa angaha dia tsy misy ry filoha vazaha
Ilay mba « jirom-bazaha » ho anay mponina an-tsaha ?

Ny anarany ihany dia efa azo adika
Fa jiron'akoho ka tsy mendrika antsika !
Mba « jiro vazaha » toa anao no zarao
Dia ho faly ny « pokona » hanohana anao !

Ny jiron'akoho, vonjy poritra ihany.
Tsy dia mba mamiratra raha ny hazavany,
Ka aleo hiakatrakatra ny kalitao
Ary « jiro vazaha » re no andeha mba zarao !

...Ny mpitondra lazaina ho « mahavita azy »
Dia izay manaoana ny delestazy,
Mitondra hazavana tsy laitra resena,
Ka tena hampandroso an'ity fireneny !

TSIMIMALO (09-12-23)